

तुबारि संपादकीय
टीम

◆अस इ उम्मिद करुं लगे से कि एण बाड़े दिन अन्तर सुआ मेहणु इस कम अन्तर सहयोग कते।

◆इस तुबारि मासिक पत्रिका समाचार पत्र एकट अन्तर रिजिट्रि नेई भो। सिर्फ पांगि घाटि अन्तर पढ़ू जे इ पत्रिका शुरु कियो असि।

◆तुबारि एक अवाणिज्यिक पत्रिका भो।

◆तुबारि पत्रिका कोड मेहणु, जनजाति, त संस्कृति गल्लि कट्टेण जे नेई छपाण लगे। अगर कोड ई सोचता बि त अस जिम्मेवार नेई।

◆छपाणे पेहले सोभ आर्टिकल दुई टाई पांगेई मेहणु हुरालो असे। इ त खुलि बोक असि कि पेहिल बार पांगवाडि लिखणे सुआ मुशकिल भुन्ति त गलति बि भुन्ति। अगर कोड लिखणे गलति असि त असि जे जरूर बोले। त अस तसे होरे संस्करण पुठ ठीक करणे कोशिश कते।

◆आर्टिकल ना मिलए, या घाटि मेहणु के मदद ना मिलए त तुबारि पत्रिका कदि बि बंद भुई सकति।

◆कोड चिज छपां सि या नेई छपां जे तुबारि संपादकीय टीमे पुरा अधिकार असा।

◆अस किलाड केन्द्रीय पुस्तकालय, त बजार राखे ठेके भेड हरिरामे दुकान अन्तर तुबारि ड्राप बाँक्स पुठ बि अपुं सझाव ओर आर्टिकलस रखुं जे सुविधा कियो असि।

◆अस सोभि पांगि मेहणु जे हात जोड़ कई निवेदन कते कि, तुस बि कोड अछा आर्टिकल, पुराणि या नौइं कथा, कहावत, कविता, त नौवे घीत (पांगवाडी अन्तर) लिख कई छपां जे हेंनदे दिए।

तुबारि संपादकीय टीम

9418431531

9418429574

9418329200

9418411199

9418411599



इज्जत जोड़ जीणे बथ

एअ एक बुद्धि मान राजे उजवाण भो। (जिल्हाणु इन्ही उजवाणी पढ़णे टेम, जठि जिल्हाणु लिखो असु तठि जिल्हाणु जगइ बदली कइ मइद पढ़ू।)

हें में कोइया, में बुद्धि बोक ध्यान जोड़ शुण त समझीं दें, मउं पता असा से सच्चु भो।

अस सोब तु याद रख त बुद्धि जोड़ जी, एअ सोब तउ गलत कम करण केंआ बचांती।

से तें जिन्दगी चलाणे मददत कता, उंघणे टेम तें रक्षा, त खहखड तउ समझातें।

शिक्षा ज्योती भो; परमेश्वरे बोक रोशनी भो; शिचालणे बाड़े लेहर जीणे बथ भो।

से तौ बुरी जिल्हाणु त तसे मिठि- मिठि बोकी केंआ बचांता।

होरि जुएली ऑसी बइ मखीर टपकुतु। से हेरण जे बी अबल लगती, तसे बोक तेल केंआ बी ज्यदी सिपिरी भुन्ती। से तुं जिन्दगी बर्बाद कइ छती।

अगर तु अपु कलहइ आग रखिएल त तें झणे न टडते ना? अगर तु नंगे खुरी आग

पुठ हंठियाल त तें खुर न टडते ना? जे होरि जुएली केइ घेंता, तस छुंयेल त सजह सञ्चे मेइ घेन्ती।

तसे अन्त जेहरे इ कोडा त तलवारी चोटी इ टखा भुन्ता। से मरणे बथ हंटांती, त तौ नरक अन्तर पुजइ छती। तस जिल्हाणु पता न हंट, तसे चाल-चालण सुसुर नेइ, तौ पताइ न लगता। अपु ध्यान रख, जीणे बते बइ हंट।

तउं में गभुरो में शुणे, त में बोकि केंआ मुंह न मोड़े। तस जिल्हाणु केंआ दुर बिशे, त तसे गीहे भेड बी न घेण। तु गलत करियाल त तें इज्जत घेइ घेन्ती, त तें जत्तो कमाई भोल से बी घेइ घेन्ती।

होरे तें कमाई बइ अपु पेट भरते, त तें कमाई होरि गी पुज घेन्ती।



तु अपु जुएली जोड़ खरे बिश, त अपु जवानी टेमे जुएली जे खुशी तोप। से हिरिणी इ टयारी त कबूतरे इ अबल असी, तसे प्यार तउ रजि कता, सोब टेम तसेरी प्यार अन्तर मोहि बिश।

अन्त अन्तर तें जिसम कमजोर भोइ घेन्ता, तस टेम तौ पता लगता त तु सुआ रोलता। तस टेम तु बोती, “मेइ शिक्षा जोड़ प्यार न किआ, इये-बोउए केहणा न मना, त अपु गुरू के बोक न शुणी, शिचालणे बड़ी के कना ध्यान बी न दिता। सोभी मेहणु के बुच सोब बुराई मोउं पुठ ऐइ गई”।

अभेइ बियाह त यौन सम्बन्धे बारे: तु अपणे कुँए केंआ पुओणी पिये, त अपु पुओणी गहइ बइ न बहोआ। तु अपेपु जे रख त कसेरी धे न बंट। तु अपु जुएली जोइ खरे बिश, त अपु जवानी टेमे जुएली जे खुशी तोपा से हिरिणी इ टयारी त कबूतरे इ अबल असी, तसे प्यार तउ रजि कता, सोब टेम तसेरी प्यार अन्तर मोहि बिशा।

हे कोइया तु होर जिल्हाणु मोहो अन्तर किस गोओ असा, त होर जिल्हाणु अपु कलाहइ किस कता? किस कि मेहणु बथ परमेश्वरे नजर केंआ नेइ रेहो, परमेश्वर मेहणु बथ पुठ हर टेम नजर रखता।

दुष्ट अपणे पाप अन्तर फस घेन्ता, तसे पाप तस रजुडि इ बन्न रखता।

दुष्ट बगैर शिक्षा मर घेन्ता, त अपु बेअकली बइ बिगड़ी घेन्ता

बोक्यारि जिल्हाणु धाम

यक रोज, यक बोक्यारि जिल्हाणु यक नेता अपु गी जे धाम की। तेन नेते तसे धाम जे हा कइ छाऊ। बोता दिसाइ मउं कम असू। अउ ब्यादी धाम खां जे ऐइ सकता न? जिल्हाणु बोती ठीक असु, तुस ब्यादी ऐइये। से नेता ब्यादी अठ बज तसे गी पुजी गा। तेन जिल्हाणु सोब रोठी बडाइ रखोथि। तेस नेते हेर कइ तेन जिल्हाणु बोलु, तुस ब्यादी झणे लाइ कइ किस नेइ अओ? अब त सुआ ब्यादी भोइ गओसी। नेता बोता अच्छा इ बोक असी न! तउं से नेता तठिया अपु गी घेइ कइ ब्यादी झणे लाई रोठी खां जे वापस ऐइगा। मेज पुठ तेन सोब रोठी अण कइ सजाइ छओथी। तउ से जिल्हाणु भीं बीठी त तेन नेते धे कडहा दिता। नेते तसे हतोउ केआ कडहा टाता त चम्चे बइ अपु झिणी जोइ लाण लगा। तसेधे हेरी कइ से जिल्हाणु हेरान भोइ गई। तस हेरान हेर कइ, से नेता अपु झिणी जे बोलु लगा, खें-खें सुआ खें धाम तुसी जे किओ असी मउ जे नेइ किओ खां रजी खां।

कुछ खास खबर

- ◆ 31 जनवरी 2014 केआ पंगेई जुकरू ल्हयार शुरू भोइ गओ असा, इस ल्हयार अन्तर सोब अपु सकि नति के जकरू घेन्ते।
- ◆ हियुते छुट्टी केआ पता 6 फरवरी 2014 केआ पंगेई स्कूल खुली घेन्ते।
- ◆ 26 जनवरी 2014 पंगेई बी 65 वाँ गणतंत्रा दिवस मना, पंगेई एस:डी;एम पंगेई मेहणु जे गणतंत्रा दिवस बधाई दिति।

बोउ अपु कुवा केंआ पुछुण लगोसा

बबीता



ADVERTISEMENT/ BEST WISHES FOR MARRIAGES, BIRTHDAYS, RETIREMENTS Etc. Please ☎ 9418429574

एडस बीमारी इन्सान जोइ यक लिंगि सम्बन्ध बणाणे बोलि कसे बी एडस एइ घेन्ता।... काँडोम सिर्फ 18% सुरक्षा कता।... एडस मेहणु के जिसम अन्तर कम से कम 7 केआ 10 साल तक कोइ लक्षण नजर न ऐन्ते.....ऐणे बाडी तुबारि अन्तर ।